





原件短缺

卷 2 ~ 卷 4



新編事文類聚翰墨大全甲集卷之五

諸式門 文類

雜文諸式

冠禮

告祠堂祝文 文公家禮式

其餘祝文見后冠禮門

維年歲月朔日孝某某官其敢昭告于皇其親某官封諡府君  
皇其親某封某氏某之子某若某之其親之子某年漸長成將  
以其月某日加冠於其首謹以酒果用伸虔告謹告

字朱元晦祝詞

劉屏山

冠而欽名粵惟古制朱氏子喜幼而騰異交朋尚焉請祝以字  
字以元晦表名之義木晦於根春容暉敷人晦於身神明內腴  
昔有曾子稱其友曰有若無實若虛不斥厥名而傳於書雖百



世之遠也揣其氣象知顏氏如愚亦多並遊英馳俊驅豈無他人夫誰敢在吾自諸子言志回欲無伐一官於焉終身弗越陋巷暗然其光烈人從事於茲惟參也無慚貫道雖一省身則三夾輔孔門翱翔兩駿學的欲正吾知斯之為指南惟先吏部文儒之粹彪炳育珍又華其繼來茲講歷融之憲直真聊廓開如原之方馭望洋渺涉老我縮氣古人不云乎純亦不已悵友道之衰變切之而唯三子德不自新則時予之耻勿謂此耳充之益充借曰合矣宜蒙養於言而思城動而思躡凜乎端之惟曾顏是畏

婚禮

男家納采告文 文公家禮式

維年歲月朔日孝某某官其敢昭告于皇其親其官封誥府君皇其親其封其氏某某之子某某其某親之子某某年已長成未有伉儷已議娶某官某郡姓名之女今日納采不勝感洽謹以酒饌用伸虔告謹告

其親其官封誥府君

男家草帖正式

貴某州其縣其官宅或云寄居  
 三代  
 曾祖 某 其官  
 祖 某 其官  
 父 某 其官  
 一本宅幾曾數其年某月生  
 一母姓氏有封號則具  
 右見議親次  
 月 日  
 草帖

女家草帖正式

貴某州其縣其官  
 三代  
 曾祖 某 其官  
 祖 某 其官  
 父 某 其官  
 一本宅某位幾小娘于其年月生  
 一母姓氏  
 一奩奩若干  
 一奩奩若干  
 右見議親次  
 月 日  
 草帖



男家定帖正式

具位姓某  
右其伏承  
親家某人謹以弟幾院小娘與某  
男議親言念鴛鴦之喜非修定  
事之嚴節并口之愛尚類  
去風之舊既  
金龜而叶吉將黃鴈以告慶敬致  
微誠願聞  
嘉命伏惟 台台慈鑒  
駁察  
年月 日具位姓身定帖

女家定帖正式

具位姓某  
右其伏承  
親家某人以弟幾院小娘與某  
親言念立永既光適若鳳之占  
種玉未成先拜  
魚腹之籠雖若大簡不替初心自  
恨家貧莫辦帳惟之負數所  
終惠少加  
筐篋之資謹惟  
台慈特賜  
駁察  
年月 日具位姓某定帖

婚啓第一幅常式

其望室齊開而錦瑟琴共惟  
其官親家  
台候動止方福其節且蒙  
恩謹奏啟申問  
起居不宣  
忝戚其郡姓 某啟上

變式

其望室齊開而錦瑟琴共惟  
親家其官台候千福其家  
恩非淺知  
感實深謹懇鯉及手書紙頁  
無差之問  
忝眷其郡姓 某啟上



婚啓第三幅常式

忝戚其郡姓某  
右其啟茲憑媒議快承  
親家其郡某官稱呼以第幾院  
令愛小娘子與其某男共締親茲  
行繫定者聘云納聘者言念云云  
謹奉啟以  
聞伏惟  
台慈特賜  
鑒察不宣謹啟  
年月日忝戚其郡姓某

答式

忝戚其郡姓某  
右其啟茲憑媒議快承  
親家其郡某官稱呼以第幾院  
令嗣舍女與其某女共締親茲承  
繫定者聘云禮聘者言念云云謹  
奉啟以  
謝伏惟  
台慈特賜  
鑒察不宣謹啟  
年月日忝戚其郡姓某

面發 親家其郡姓某官

忝戚其位姓某啟上 謹封

婚啓第二幅常式

其啟其郡姓某  
台用奚似未由  
參曉伏真  
順時倍加  
崇重其情尤在祝頌之至  
忝戚其郡姓某 啟

變式

其啟首布月儀嗣嚴奉旨尚異  
蕭台三陽之序  
金玉三御之調不輟  
繁盛禮重即悅  
壽  
忝戚其郡姓某 啟



禮物狀常式

忝感具位姓某

其物草

余遂一開

右專狀馳

上少充其男在納幣之儀伏惟

尊慈特賜

容納謹狀

年月日忝感具位姓某

答式

忝感具位姓某

其物草

余遂一開

右專狀馳

上少充其女在納幣之儀伏惟

尊慈特賜

容納謹狀

年月日忝感具位姓某

貞時

面養

札

忝感具位姓某狀上

納采啓

黃魯直

伏念窺管一班早欽宗黨之美河潤九里竊願婚姻之求願惟  
單平實愧攀附男早聞詩禮逮及有家言采蘋藜猶虛中饋伏  
承賢弟幾小娘令德成於保傳善言發於幽閑屬將有行敢議  
合好雖泉水入於淇與不耻下流而葛藟施于條枚終慙非對  
謹因媒氏共聽吉聲

荅回潘氏

呂伯恭

游從再世既彼此之具知講肄十年亦往來之無間迨聞嘉命  
其敢固辭公弟種孝之初力求內助某女及笄之始未習婦儀  
志尚有加可使效饒田之役進脩或忘猶能獻斷織之規

問名啓

呂伯恭

令父兄師友之契疇若高門聯姻甥舅之親敢於他族問名  
之始在禮有初某緒綸與聞曾侍漸摩之舊今女素風不改諒  
惟淡泊之安永愧諸生自在西河之上尚慙季女首來南澗之



續

回啟

劉溪翁

辱接雅契寵貺函書以相閱之名郎采衡門之小女高情如許何啻致拒於明堂嘉禮有期側聽鼎來之聘幣

納幣啟

呂伯恭

獨口邊之薦幸修宗事之嚴躬并白之勞尚賴素風之舊既令龜而協吉將奠薦以告虔敬致微忱願聞嘉命

答

熊子復

續大家之訓願息文之未能讀東觀之書羨名郎之有立緣會集一言而戲 偶和語二姓以成歡其次女妙恭弱質幽閨弟守軍門之陋伏承令嗣秘讀妙齡秀發蚤承蓬島之華猥承致於薦儀豈待稽於鳳卜寮同三節雖序齒之納殊宴共一樽尚論之相益

請期啟

謝疊山

男女之生幸而得耦婚姻之道貴在及時禮有請期義當修聘

祖宗繼休重嚴親迎之辰父母有心尤重于歸之日庸將嘉幣肅試新妝鳳駕佇聽於祥占烏鵲歡迎于巧夕手舞全切心罄奚殫

答

月燭雲軒行矣赴銀河之約吳棧蜀錦此其為蓬華之光然愧無百兩之儀寧不忝三周之禮折蟾宮之桂母富貴之相忘採南澗之蘋惟敬共之有恪

親迎狀

伏以馳素鯉以通誠擬陳馬莫躍花驄而親迎行造龍門不辭行李之勞式副標梅之詠金屏綉褥佇依李監之門蘭瓊飲玄霜即奉巫在史之杵曰

答

伏承親迎瑯車寵臨蝸舍喜動明闈之色榮增屏褥之輝迺先辱於魚緘甫遠迎於騎從即請親迎預切欣榮

其餘諸伴並見後婚禮門



安禮

受命書儀式

訃告書

尊卑長幼如常日書儀但生紙直書其事勿為文飾

慰大官門狀

其位姓某 右某謹詣 門屏祇 慰 某位伏聽 處分謹

狀 年 月 日 具位某狀

慰平交門狀

其位姓某 右某祇 慰 某官謹狀 月 日 具位姓某狀

慰人名紙

形如常但題其陰面云某郡姓名慰此與平交已下用之皆平

功已下用起居

其餘書跡皆與全卷後文更定本

致贈奠狀

具位姓某 某物若干

右謹專送上 某人靈筵聊備賻儀亦曰茶酒食 伏惟

散格謹狀 年 月 日 具位姓 某 狀降等不

封皮

狀上 某官靈筵 具位姓某謹封降等即用面

其狀謹封

謝狀三年之喪未卒哭

某郡姓某 某物若干

右伏蒙 尊慈降等云 以其親違世大官云 特賜平交即 賻儀

謝謹狀餘同前相封皮 不任哀感之至謹具持奉狀上平交

謝謹狀不用靈筵字



慰人父母之疏

總綱孫承重者同

其頓首再拜言降等云不意凶變國亡者官尊即云邦先某位無

即云先府君有契即加我於其位府君之上○母云先某位無封即云先夫人○承重即云尊祖考某位尊祖妣某封餘並

同奄棄榮養夫人者官尊即云奄捐館舍或云奄忽薨逝封至

承訃驚惶不能已已伏惟降等云惟孝心純至思慕號絕何

以堪居日月流邁遽踰旬朔經時即云已忽經時已葬云遽經

時哀痛奈何罔極奈何不審自罹荼毒在母亡氣力何如伏

乞平交云伏願強加餐粥已葬即俯從禮制其後事所廢在官

職等云惟與未由奔慰其於憂憂無任下誠平交云不但云某未謹奉

疏平交云伏惟鑒察不備謹疏平交云不月日具位降

用郡姓其疏上平交云其官大孝平交云已下云云至孝



疏上其官大孝 苦刑具位姓其謹封降等云即用而

孝苦次郡望姓各狀謹封

父母亡答人疏

嫡孫承重者同

其稽顙再拜言降等云某罪逆深重不自死滅禍延先考母云

承重則祖父云先祖攀號躄踊五內分崩叩地叫天無所逮及

日月不居奄踰旬朔隨時酷罰罪苦父在母亡即云偏罰無望

生全即日蒙恩平交云祗奉几筵苟存視息伏蒙尊慈俯賜

慰問哀感之至無任下誠平交云仰承尊慈俯重慰問其為哀

良深○司馬公曰凡禮文均喪知舊不以書來問是無未由

號訴不勝嗷絕謹奉疏降等云荒迷不次謹疏降等云月日孤子喪

稱哀子俱亡即稱孤哀子姓名疏上 某位座前滿空平交



封皮並同

慰人祖父母亡啓

謂非承重者伯叔父母姑兄弟姊妹妻子姪孫同

某啓不意凶變子孫用此尊祖考其位奄忽遺世封無官封有契者

已見上伯叔父母姑妯娌加尊字兄弟姊妹加今字降等皆加賢

字若彼一等之親有數人即加行弟云幾某位某官無官云云

有君有契則加姪文幾兄於某位府君之上姑姊妹則稱以夫

姓云某宅尊姪令姊妹妻則云賢閨某封無封則但云賢閨子

則云伏承令子幾某位姪孫並同承訃驚惶不能已已妻改性

降等則曰賢無官者則稱秀才

伏惟恭前孝心純至哀慟摧裂何可勝任伯叔父母

勝等則云不伏惟恭前伏乞平交以深自寬

加降哀慟沉痛何可堪任兄姊妹弟姪則云友愛加隆妻則云友

麗義重悲悼沉痛子姪孫則云慈愛隆深悲慟加痛餘與伯叔

如同孟春猶寒時不審畫體何似隆等云伏乞平交以深自寬

抑以慰慈念其人無父母即也云其事役所縻在官未由趨慰

其於愛想無任下誠平交以謹奉狀伏惟鑒察平交以不備平交

謹狀月日具位姓名狀上某位服前服

祖父母亡各人啓狀

謂非承重者伯叔父母兄弟姊妹妻子姪孫同

某啓家門凶禍伯叔父母私家不幸子姪孫不幸家門不幸先祖考

云先祖妣伯叔父母云幾伯叔父母姑云幾家姑兄姪云幾家

兄幾家姪弟姪云幾舍弟幾舍妹妻云室人子云小子姓云某

云勿孫奄忽棄背兄弟以下云喪逝子痛苦摧裂不自勝堪

伯叔父母母姊兄姪弟姪云惟痛酸楚不自甚伏蒙尊慈特賜慰

忍之改葬痛為悲悼子姪孫改悲悼為悲念

問哀感之至無任下誠平等降孟春猶寒時伏惟恭前某位尊

體起居馬福平交不云起居降某即日侍奉无父母則幸免他

苦未由面訴徒增哽塞謹奉疏上平交謝不備平交謹狀月日

某郡姓名狀上某位座前

封皮如前



### 代報亡狀式

孤哀子姓 某 或在則云哀子  
 右某泣血言罪逆不孝禍  
 患所鍾 鴻老不幸於某  
 日辭出 鑿莫號絕無所赴  
 懇仰情  
 親詣專狀報  
 聞伏乞  
 望察謹狀  
 年月日具位姓某狀

狀上 某人 孤哀子姓某謹狀

### 代報葬狀式

孤哀子姓 某  
 右某已卜某月某日安厝  
 先親於某所奉在  
 親眷不敢不以申  
 聞伏乞  
 台察  
 年月日具位姓某伏

狀上 某人 孤哀子姓某謹狀

### 通用香財狀

具位姓 某 謹肅  
 香 燭 茶 絲 用 祭  
 右專狀上拜  
 貢于  
 故某人 謹肅  
 敬納謹狀  
 年月日具位姓某狀  
 具位姓某

狀上 故其郡某人靈寢 具位姓某謹狀

### 七期香財狀

具位姓 某  
 某物 同上式開寫  
 右伏遇  
 故其郡某人某七屆愷敬  
 貢靈几伏惟  
 尊靈不昧特賜  
 啟格謹狀  
 年月日具位姓某狀  
 周年云 小祥 三主云 大祥  
 除靈云 禩除 虛葬云 安

狀上 故其郡某食七靈寢 具位姓某謹狀



謝送香財狀

其孫姓某

奠儀如目

右其姪者 某親隨人改易

喪亡乃蒙

尊慈持服

香奠焚白外下誠不勝哀

感之至謹具狀申

謝謹狀

年月日杖其孫姓某狀

孝子不谷香財狀如來

有孫則以族人名代答

贈人葬送狀

具位姓某

某物若干

右專人馳

上薄助

送終之費伏乞

留納謹狀

年月日具位姓某狀

狀謝某人稱呼杖其孫姓某謹狀

狀上某人大孝具位姓某謹狀

請僧追修狀

某敬請

某院堂頭禪師

右其取某日攀承

法取設水陸會應宜改為

亡祖追修某七切幸

光訪仍乞

早示合用料儀謹狀

年月日杖其孫姓某狀

狀請其院堂頭禪師杖其孫姓某謹狀

請道追修狀

某敬請

某觀道正真官

右其取某日攀承

雲取設黃錄會隨宜改為

亡祖追修某七切幸

光訪仍乞

早示合用儀物謹狀

年月日杖其孫姓某狀

狀請其觀道正真官杖其孫姓某謹狀



# 慰僧家財狀

具位姓某謹備  
 香一炷  
 茶一煎  
 財一箱  
 絲一束  
 右專狀  
 貢干  
 順寂某号大師神几伏惟  
 敬納謹狀  
 年月 日具位姓某狀

# 慰道家財狀

具位姓某謹以  
 香一篆  
 茶一既  
 財一網  
 絲一盤  
 右狀上  
 獻干  
 羽化某号大師雲衣伏惟  
 享納謹狀  
 年月 日具位姓某狀

○若無号即稱僧真具德師神几 或作真靈 ○若無号即稱太德法師神几 或作真靈  
 狀順寂某号大師神几 具位姓某謹狀  
 狀羽化某号大師雲衣 具位姓某謹狀



## 祭文首末式

維某年某歲某月某朔越幾日 甲子 某官姓某謹以清酌庶羞  
 之奠致祭于其官之靈云云尚享

遣奠祭文首末式

維某年某歲某月某朔某日某官姓某敬遣某官姓名以清酌  
 庶羞之奠致祭于故某官之靈云云尚享

祭父文太師革齋先生文

文山

維已卯五月朔越二十有六日孝子某自嶺被執至南安軍且  
 香幣遣人馳告于先太師革齋先生墓下而言曰人誰不為臣  
 而我欲盡忠不得為忠人誰不為子而我欲盡孝不得為孝夫  
 胡使我至此極耶始我起兵赴難勤王仲弟將家遁于南荒宗  
 廟不守迂我異疆大臣之誼國亡家亡靈武師興解后歸國用  
 相出督身荷憂責奮臂一呼聞聲四克謂親拜墓以前荆棘不  
 虞垂集一跌崎嶇妻妾子女六人為俘收拾散亡息于海隅



幾奮厲以爲後圖惡運推遷天所廢棄有母之喪尋失嫡子哭  
泣未乾兵臨其壘倉卒之間一女夭逝剪髮爲囚虜形影獨存湯  
藥不濟竟比其骸繫頸繫足過我里門望墓相從恨不九原手  
指松楸有言若誓繼今支子實典祀事有姪曰昇我身是嗣興  
言及此血淚如雨嗚呼自古危亂之世忠臣義士孝子慈孫其  
事之不能兩全也久矣我生不幸罹此百凶求仁得仁者又何  
怨幽明死生一理也父子祖孫一氣也宜漢有知尚哀監之

祭師江丞相古心先生文

須溪

嗚呼自詔勤王予心獨苦平生師友歲晚伊阻人之訛言訛言  
不祥厥或告我主番陽湯居然傳聞百不一實何獨於公如見  
隕越書思難平夜夢參驚猶聞靈光乃卒奠楹蒼天蒼天夫子  
何罪死何倉猝誰斂誰槨體膚如何如何血裾我欲見公浹洗  
模糊公非無子有子有弟其存其亡訊莫予寄疇昔之言歷々  
托孤門生滿眼責獨在予念公守吉予甫十歲焉知其後十五

歲

生事上書窮途祭酒也嗚呼然起我文特峻清公闡來朝成獻  
宿士公迎謂曰此必如子相期第一策及兵謀掃除李步摸索  
暗投太學半年受知五面公歸同野實始往見攜提反復于建  
子聞我知處女公我公兄公寧少余曰我畏友每書渠君母  
予母脩門出走風雨對床執手奈何別淚浪々逝將奔官終老  
黃石豈謂簡書聊永公夕江東辟召實匪前期暨還初服不從  
袞歸位置稱觴亦豈公意遭罹酷罰公撰銘誌八年出處於誌  
有之斯文大老寧爲尔私外人不知公以我累公曰不然我實  
子愧哀哉已矣明不負幽七年又見無約不酌昨秋三宿言殘  
江畔怪公異遇後約春半風塵渺迷共擬迎公孰知昔別三至  
愈凶玉色金声光風霽月我々千仞柱折維絕我有死母公實  
葬之我有稚子公實奠之身後之盟可質九地掛劍心存蓋棺  
事異悠悠穹壤文公非無往死不離城曰我重臣無所  
逃死生而被執爲國之耻亭各止水左手攜孫白刃紛紜哭入



九泉人言全歸願得死所死而若此尚庶無負使公守土使公  
柄朝堂之守節魂不待招公毋奔我之公慕子魂如可招於我  
歸只

開墓域祠后土文 以下係文公家礼式

維其年歲月朔日某官姓名告于后土之神今為某官姓名營  
建宅兆神其保佑俾無後艱敢以清酌脯醢祗薦于神尚享

發引告辭

維年歲月朔日孝子某敢昭告于其親其官封諡今以吉辰遷  
柩敢告

祖奠生忌辭

維年歲月朔日孝子某敢昭告于其親其官封諡永遷之礼靈  
辰不留今率柩車式樽祖道

遣奠告辭

維年歲月朔日孝子某敢昭告于其親其官封諡今遷柩就窆  
諸式

啟告

下棺祠后土文

維其年歲月朔日某官姓某告于后土之神今為其官封諡  
茲幽宅神其保佑俾無後艱敢以清酌脯醢祗薦于神尚享

題主祝文

維年歲月朔日孤子某敢昭告于皇考其官封諡府君形歸窆  
安神返室堂神主既成伏惟尊靈垂禧從新是憑是依謹以酒  
饌用伸虔告謹告 母喪稱哀子凡有封諡皆稱之

虞祭祝文

維同前日居月諸奄及初虞夙興夜敷哀慕不寧謹以潔牲柔  
毛塗盛醴醢黍稷尚享 再虞祝辭改初虞為再虞給事為  
虞事余並同 一三虞祝辭改再虞為三虞虞事為成事余同上

卒哭祝文

維同前日居月諸奄及卒哭夙興夜敷哀慕不寧謹以其物哀



薦成事來日路附丁祖考其官府君尚享

附祭告文

維同前 孝子其謹以潔牲柔毛粢盛醴齊適于皇其考其官府君附附孫其官尚享納喪則云皇妣某封某

小祥祝文

維同前 日月不居奄及小祥夙興夜處小心畏忌不惰其身哀慕不寧敢用潔牲柔毛粢盛醴齊薦此常事尚享 大祥祝文同小祥式但改小祥日大祥常事日祥事○禫祭祝文同大祥式但改大祥為禫祭 祥事為禫事

時祭祝文

維嗣子孝元孫某官其敢昭告于皇高祖考其官府君妣某氏其氣序流易時維仲春隨時追感歲時不勝永慕敢以潔牲柔毛粢盛醴齊祗薦以事以其親某官府君其親某封某氏附食尚兄弟附者二伯叔祖附于高祖伯叔父附于曾祖兄弟附于

祭始祖祝文

維同前 子孝孫姓名敢昭告于皇初祖考皇初祖妣今以中冬陽至之始追惟報本礼不敢忘謹以潔牲柔毛粢盛醴齊祗薦感事尚享祭高祖祝文但改初為先中冬陽至為立春生物

祭祢祝文

維同前 孝子其官其敢昭告于皇考其官府君皇妣某封某氏今以季秋成物之始感時追慕昊天罔極餘同前

忌日祝文

維同前 歲序流易諱日復臨追慕感時不勝永慕考妣改不勝永慕為昊天罔極旁觀云諱日復臨不勝感愴

祭墓祝文

維同前 其親敢昭告于其官府君之墓氣序流易雨露既濡掃對塗不勝感慕

墓祭祝后土文



維同前某官姓名敢昭告于后土氏之神其恭脩歲事于其親  
某官府君之墓惟時休祐實賴神休敢以酒饌敬伸奠獻尚享

**挽朱文公**

曾景建

皇天開大極庚戌聖賢生六籍文將絕千年道復明淵源羅仲  
素師友李延平遠舍闡溪無滯濬洛水聲

**挽蔡西山**

前人

四海朱夫子徵君獨典刑青雲伯夷傳白首太玄經有客憐孤  
憤無人問獨醒瑤琴空在匣匣絃斷不堪聽

又

趙季昌

鶻叫春林復却詩鴈回霜月忽傳悲南極惠死迷三楚兩暗雲  
春嶽九疑早歲力辭公府徽暮年名與黨人碑嗚呼季子延陵  
墓不待錢詞行可知

**哀辭**

過楊忠襄墓哀辭

游默齋

楚炎已西至盧寇江車駕幸越杜充以宰相總諸道鎮江左

前執故李抗供饑事顯謨待制陳邦光守建康充儒不能戰閉  
壁莫敢出充與麾下數千人降虜北去虜入建康抗先降邦光  
亦降浦判楊公邦又獨不從大書其衣裾曰寧作趙氏鬼不為  
他邦臣殺其僕曰持此以見志吾死矣抗邦光擁公上馬野次  
俱見虜酋囚太子者命之拜公叱曰我不降何拜虜莫敢迫縱  
歸明日遣其將張太師諭公授以舊官公以首觸階而死虜  
大驚止之徐曰公所守固高然勢已去矣策歸審思之明日復  
來公亟移書其酋曰世豈有不畏死而可利動者幸速殺我又  
明日囚太子觴二降人於堂上樂作召公立庭下公注視抗邦  
光曰天子以若杆城賊至不能抗又不守節更與共燕樂尚有  
面見我乎虜取幅紙書死活二字謂曰無多言即欲死書死字  
下則願旁吏有簪筆者躍起奪而書曰死於是虜皆動色又使  
引去明日再見公送望四太子遂大罵若夷狄而圖中原天  
寧久假汝行踪萬段尚安得汗我虜怒使人疾擊挺交下公罵



不絕口且殺剖腹取其心明年虜去州以事上聞詔贈直秘閣  
官其子二人即死旁為墓立廟諡忠襄云云公吉州人政和乙  
未進士後六十九年建州游其為吏金陵拜拜墓首嗟嘆而為  
拜曰山雲起兮陰陰木嘯風兮蕭森骨荒榛兮頽墜野鳥怨兮  
清音噫丙午兮燕女謁薦紳兮多盤餐苞桑兮弗戒渝舊好兮  
開邊釁生兮召戎瀕大地兮鹿豕聚承平兮百載奔吏門兮廟  
宮我踰鄒兮梁山蛇存食兮江干擁貔貅兮首鼠紛雅拜兮後  
元獨立兮慨陳人自靖兮此身寧為鬼兮趙氏肯涅緇兮虜庭  
有體飼兮苟哺弗自知兮貌頽握玉麟兮拜大豕曾莫嗅兮糟  
腥豈曰余兮獨死汝尸坐兮偷生振庚庚兮皆下氣烈動兮清  
寧凜義義兮身世九鼎重兮一羽輕翳兮幽藏頽陽照兮山  
荒髮毛爪齒兮一出同傷朝貌圭衮兮千古之光春秋兮代謝  
功昔兮蒸昔

端素先生墓誌銘

劉頌溪

請式

咸淳辛未進士第江陵府府學教授安成集齋先生彭翼夫卒  
其門人里中子私論為文配以清若節若懿有議已蒸其子  
絲流涕而起曰懼非先君之所安也獨又私述其家庭言行悃  
悃固而請曰墓有表言而不可易以朽賜也豈推子孫弗忘  
先君子有知履翁感且弔曰似矣先生之有斯子也不可以未  
之遠也文甚善孝從志我有先正三百年而三文之盛君之命  
也延出季而即壹非至有語其文者則出於朝不為慶傳諸家  
不為訓誥哉矧在野黔之康楚之黎無以復加焉而君子以為  
獨幸嘗得備太史光前謙揆衆錫故請易之曰端素云云前太  
史劉震公弔曰余嘗與金華王瑛議善胡廷評公諡忠公列序  
陵五忠而延評子不以此詩辭榮請諡暨其請也當國者獨為  
延評爭濟獄狂率禮官希意易剛簡踐狂率也今言之猶恨嗟  
乎一忠一文知我者春秋漢有伯鸞字妻曰曜後之隱微比余  
亦亦路翼夫間一懼而以為非其志也



祭禮

祭昊天上帝冊文

汪彥章

維年歲月朔日嗣天子臣某敢昭告于昊天上帝伏以明明在上臨照四方惟我邦家夙膺景命世修禮類猗猗及冲人祗見合宮敢忘其舊嘗遊步玉帛儀齊象盛庶品肅恭禮祀式展誠欽  
太祖皇帝 太宗皇帝配神作主尚饗

祭皇地祇冊文

維云云伏以肇禋明堂享帝之盛於赫厚載與天同尊一儀合禮厥有常典敢稽各肅用祈顧歆謹以玉帛儀齊象盛庶品肅恭禮祀式展誠欽  
太祖皇帝 太宗皇帝配神作主尚饗

祭太廟冊文

維云云伏以維德不類嗣承明禋乃消剛辰祗見上帝燕及宗祊垂休亡窮謹以嘉玉良幣柔毛羽鬯明粢鄉合節箕其嘉薦薦清酌式陳明薦尚享

祀社祝文

崔正言

維年月朔日具官姓某敢昭告于社稷之神維神有德有功維國有祚有報者在甲令率為舊章時維仲秋歲修祀事犧牲肥碩邊且淨嘉神其若敢庶為罪悔尚享

祀先聖祝文

維年月朔日具官姓某敢昭告于先聖至聖文宣王惟王金声玉振集大成有直立教垂憲方出茲率舊章謹以制幣牲齊案盛庶品式陳明薦以先師充國公沂國公鄒國公配尚享

祀先師充國公祝文

維年月朔日具官姓某敢昭告于先師充國公惟公有學術業未達一明賢冠四科實惟亞聖茲率舊章擇奠于至聖文宣王謹以制幣牲齊案盛庶品式陳明薦從祀配神尚享

祀先師沂國公祝文



維同前敢昭告于先師沂國公惟公以魯而得以唯而悟傳得  
其宗一貫忠烈茲率舊章後同

祀先師邠國公祝文

維同前敢昭告于先師邠國公惟公中庸書開示溫奧先師  
傳之有功聖道茲率舊章後同

祀先師鄒國公祝文

維同前敢昭告于先師鄒國公惟公知言知德亦克允蹈攘斥  
異端以承三聖茲率舊章後同

祭常山文

蘇東坡

維熙寧元年歲次丙辰七月某日詔封常山神為閩民侯十月  
某日具位蘇軾謹以清酌少牢之奠昭告于侯之廟曰嗚呼旱  
蝗之為虐也三年於茲矣東南至於江海西北被於河漢饑饉  
疾疫靡有遺矣我瞻四方山川喬嶽食于斯民者其衆而受寵  
於吾君者可謂魏矣訴之而必聞來之而必獲惠我農夫而  
爾式

珍其災沴不為修靈鑿雨苟以應禱之虛名而有膏澤積潤則  
以及民之實效卓然如侯者幾希矣凡天子之爵命有德而致  
之則為榮无功而享之則為辱今侯澤此一郡而施及于四鄰  
其受五等之爵而被七命之服也可謂无愧而有光輝矣願侯  
益脩其實以充其名上以副天子之意而下以塞吏民之望民  
其奉祀有進而無衰矣尚享

禱雨社稷祝文

維云云噫我侯社我民所恃祭于北墉於陰之義陽亢不返自  
春徂秋迄冬不雨嗣歲之憂吏民嗷謹以病告錫之雨雪民  
敢不報尚享

祈晴吳山祝文

歲既大孰惟神之賜告於垂成匪神之意築場為涂計穰生耳  
農泣于野其忍安視生為莚英歿為異塚烈烈氣不泯視此海濤  
反雨為暘何足生憂勞有繁斯醴匪神孰號尚享



天際

序

送人入京序 建陽史尹

謝疊山

建陽號難治秋苗不滿九千石站戶不征輸者過半養新軍餘  
 五百人郵卒不與焉邑當廣南江浙諸道之要會省官御史宣  
 慰按察多行部鄰郡守貳多假途馳使將宸命來往煩厪冠者  
 無虛日令尹迎必百里外遇霖霖積潦贈馬首條至跪拜海淖  
 馬糞中後時不敢與馬上人命之退則退客就館用大牲小則  
 割羊刺豕折迨充庭號曰獻茶飯令拱手立堂下三跪進酒上  
 食客露頂跌坐必醉飽嘉勳顏色無不滿意上馬去送必百里  
 外而歸令尹對妻子羊酒相賀曰吾知免夫子事父臣事君不  
 如是其嚴甚於卓隸之奉主人翁也為令尹者勞矣哉中原將  
 家子史君辛邑二年以寬和平易為政不求赫赫名民安之恒  
 見其可狎不見其可畏予隱者耳不聞理亂初不知史君何如  
 人也癸未十月政和民不靖流毒千里平民無辜而死者幾萬  
 諸武

人史君得譔遂對漢宣帝遺意人以為盜賊吾以為赤子人方  
 治亂紛而焚之吾乃治亂繼而解之不殺一人而定 ○○大  
 救天下閩浙更生者何止百千家赦未至而冤死者亦多矣史  
 稱活千人者子孫有封史君之後其昌乎既受代懋戶託妻子  
 于此邑亦以士民依三不忍相捨也如京師謁吏部求祿以養  
 母朋友載酒烹肉而餞者五十人前期各賦詩余聞而出山謁  
 之一見如舊職因道前朝四十年遺事宰相之仁鄙將帥之智  
 愚軍民之苦祭兵財之多寡士大夫人品之高下史君無間不  
 知如繼斯答如養叔之射葉矢必中的庖丁之解牛刀必中款  
 偃僕丈人之承蜩累丸愈多而愈不失其錙銖聽之者心快神  
 暢可喜可敬可憤可泣始知江南科舉設天下蒼生者百年曾  
 不如中原將家子不習時文者可與談天下事今人以作邑為  
 勞宜乎史君但見其逸也余老且病矣獨欠一死回思少年謁  
 知已如忠齋留公敬齋謝公梅石趙公則堂家公會堂其公泉



石青陽公皆待以國士期以遠業入仕二十一年居官僅八月  
宰相薦後者十一人皆議論不合絕意浮出而尚友安期  
生梅子真遂為宮中無用之物予之負知已多矣不知諸老  
生存者幾人子游中原過者曾無趙歷之為予問之朱希真云  
早年京洛識前輩晚境江湖無故人難與兒童談舊事夜攀  
樹數星辰子每誦此詩未嘗不臨風洒淚也安得明敏卓犖之  
才如史君者日警效吾側哉朋友謂余舊有能詩名借由以詩為  
贈余方讀札言且不成文豈能寫衝重壤老之真情乎有楊觶  
者曰不載酒崇肉又不賦詩者罰余乃自罰為建陽士大夫餞  
令尹中君序

辨說

許曾齋

辨欲其信也辨而後信未若不辨而信辨而不信尤未若不辨  
之為愈也辨之要在於自克自克則喻三則無事於辨矣偶或  
未曉則盡其心善其說懇必導之猶或未曉不強也幸而開悟  
諸式

則歸美而加敬焉悔其迹使人不知其出於已也此辨之善也  
雖然辨出於不得已而不自肯已者是易言也易言則難  
信難信則人亦不信病其不信也力辨之辨之愈力而愈不信  
較勝不已至于愈爭敵日益多力日益益困至其敗也猶悔辨之  
不至此豈辨之不至辨之已甚也吾竊嘆憫思有以告之未識  
其果信不也既而悔之以槩出槩以酒投酒是亦得已而不自  
肯已者五十步百步又奚辨為姑記其說時用自省

跋蕭冰崖詩卷

謝疊山

詩有江西派雨文清昌之傳至草泉澗泉二先生詩與道俱隆  
自二先生沒中原文獻無足證江西氣脉將斷矣幸而二先  
生所敬者有澗谷羅公在魏二然登壤間之會靈光也冰崖乃  
澗谷所知詩家因取其詩二十六刊以示余述虛空而聞梵音  
也觀其詩可以知其入歲在癸未清明日龍虎山道人敬題卷  
後



致語

會老堂致語

歐陽公

其聞安車以適四方禮典雖存於往制命駕而之千里交情罕見於今人伏惟致政少師一德元臣之朝宿望挺立始終之節從容進退之宜謂青衫早並於後遊白首各諧於歸老已釋軒裳之累却尋雞黍之期遠無憚於川途信不渝於風雨幸魚北堂之孝士方為東道之主人遂令穎水之濱復見德星之聚里閭拭目覓陋巷以生光風義聲聞為一時之盛事敢陳口占上贊清歡

欲知盛集繼荀陳請看當筵主馬賓金馬玉堂三之子士清風明月兩閑人紅芳已尺鶯猶轉青杏初實酒上醇美景難并良會少乘歡幸白莫辭頻

疏語

顧梅野起居疏

謝疊山

諸文

世無子產難須其室之材里有少陵宜助草堂之費錢財易得道義難窮梅野先生詩書似廢於秦灰棟宇何堪於鄭公參元已為負士忍問林芻豢一言此魚本是善人孰動救災之念必見眼前之突兀願恢肯次之惻懷若不寄賞豈敢噴於錄事倘能買宅是亦遇於韓公見義必為當仁不讓千方開六庇寒士須還天下英雄三十年始有此戶莫作詩人笑話

上梁文

行中書省上梁文 江西

孫萬鎰

南北一家聲海濱之無外東西二首指江右以居中矧慈宮鳳覽之邦是

裕廟龍潛之郊接鄰江浙控引荆湖不新鼎盛之規模曷魯泰平之氣象相承陰陽之正擇其形勢之尊背負匡廬面朝章甫左觀彭蠡右提洪澤其前飾襟帶之古堂旁睨佩鸞之高閣外而通於闔閩內則就其保障眾議會同卜云青吉農辰時少際定宿



方中鳩柱石幹國之材建鍾鼎鼎調元之所與民經始不日告成  
滴逢匠氏之拋梁當效老嫗之獻頌

東九 天義馭駕蒼龍上相葵心朝捧日方間恩庇與民同

南 堂 八座列台街廣海年來俱樂土餘風波及楚湘灑

西 堂 皇高跨豫章堤俯視長江衣帶小西山簾櫳一時修

北 高壓元龍樓百尺提封入寄斗牛墟夜之朝天瞻紫極

上 黃閣宏坦新格樣綵虹飛上五雲端南浦西山雄氣象

下 四面江山直若畫乾坤万里混車書永鎮南荒保中夏

伏願上梁之後

皇基永固 相位感安四郊有麟鳳之祥千里絕巖巖之警地

靈人傑繼生申甫之賢國壽丁氏康復觀唐虞之治

文廟上梁文

元遺山

窮則變之則通聖人之道所以遺乃世而無故無而富之而教  
司徒之官所以敬五典之克從方屬靈臺復伯之秋且有庠序  
諸式

禮之微者崇微之禮治肇清廟之新基際改作之良難知樂  
感之有在中國有詩書見之教風以勤之禮老思德化之成今其  
時矣敢竊闕宮之美以佐武城之歌

東 井邑弓力變舊風孝悌力由從此始衣冠禮樂有儒宮

南 極目農郊霞氣酣五畝樹桑明府教馬鳴無用說宜蚕

西 木鐸新聲換鼓鼙琴堂節大亨知有日富兒未用笑朝義

北 草 古來須潤色妙年令佐嚮儒風子弟於今有於式

上 浚日鄉賢多將相儒林發藻廣川君奎壁光芒三萬文

下 絃誦洋洋新美化朝家類賜鶴頭書長吏今年應勸駕

伏願上梁之後生徒石室常師蜀郡之文翁保障繭絲不隕  
陽之丑鐸旁沾鄰郡共洽文明



新編事文類聚翰墨大全甲集卷之五



